


Com. dalla proportion. disiguale
 delli diuersi tonj Angenerano le
 bellissime harmonie. Con la
 temperata mescolanza d'Humor in noi
 si conuengono la tranquillita di tutti
 i membra.

Deus est centrum omnium
 rerum ad quod omnes quotquot
 mortaliu sumus aequa litem contendere
 debemus.

I B O S. C



V. 388.^s
inv. 1081

TRAICTE
de Musique.
CONTENANT VNE THEORIQUE

Succinte pour methodiquement

Ex Libris S^{ta} pratiquer la Composition. *Genovefa Paris*
1753



A P A R I S.

Par la Veufue R. Ballard, & son fils Pierre Ballard,

Imprimeurs du Roy.

M. DCII.

Avec priuilege de sa majesté.



TRAICTE

de Musique

CONTENANT VINT THEOREMES

Sur la construction des instruments

de Musique



A PARIS

chez la Veuve R. Barthelemy, Palais National, au Salon de Musique

Impression de la Roy.

M. DCC.

Avec privilège de la majesté





PIERRE BALLARD.

Au Lecteur.

LAçoit que plusieurs doctes personnages, tant anciens que modernes, ayât diligemmēt & copieusement escrit de la Musique, tāt la Theorique que la Pratique, voire iusques a specifier les plus petites & menues obseruations, qui se gardent par ceux, qui font profession d'entendre l'art de composition: toutefois considerāt que la pluspart des liures qu'on en lit, sont en langage Grec, Latin, ou Italien, & par consequant peu entendus de ceux, qui les deuoyent sur tout pratiquer. l'ay estimé n'estre vn petit soulagement pour ceux qui desirent de bien mettre par escrit en cet art, & d'observer les Reigles principales & plus necessaires à l'usage de la composition, si ie mettois en lumiere vne Instruction sommaire qui seruit comme d'abregé, à la quantité des reigles & preceptes mentionnez es liures susdits, & ce en langue vulgaire, afin que les ieunes Cōpositeurs en eussent plus facile intelligence. Ainsi donnant ce petit Traicté au public, ie m'assure qu'il ne sera moins prisé, que bien receu de ceux qui se voudront estudier à pratiquer la methode qui y est contenue. Car non seulement les Principes de la Composition y sōt propremēt couchez, & clairement deduiçts par Exemples, mais aussi tout ce qui est requis pour rendre vne harmonie complete, au iugement des oreilles plus delicates, y est si familièrement & succinctement expliqué, que celuy qui s'en scaura bien ayder, ne se fera paroistre moins agreable, au moyen de l'estude qu'il y pourra faire, que bon ouurier par la soigneuse pratique q u'il y scaura excercer. Je sçay qu'il y a plusieurs autres Reigles & Obseruatiōs

qui n'y sont spécifiées: Aussi y-a il grande differēce entre un volume entier, et un abrégé sommairement extraict de Zarlin, & de plusieurs autres traictez, auquel on ne pretend pas de particulariser tous les menuz preceptes de l'art, mais de toucher seulement cōme en passant les plus necessaires. Pareillement aussi ne suis-je ignorant, qu'on y eust peu mettre & adiou-ter d'autres nouvelles reigles, v̄sitées par les plus nouueaux Musiciens de nostre tems, nōmément d'Orlande, Claudin le Jeune, & Du Cauroy, grands maistres & supresmes Ouuriers, l'excellente & docte veine desquelz pourroit seule seruir de loy & reigle a la Musique, attendu que leurs admirables inuentons, ingenieuses dispositions, douceur agreable propriēte nayue, traictz signalez, & plaisante harmonie de leurs compositions, fournissent assez de subiect, pour receuoir leur Musique, cōme patron & exemplaire, sur lequel on se peut seurement arrester. Mais cōme i'ay dict, il suffira d'auoir touché en ce petit discours les poincts ordinaires, qui seruent à bien digerer vne gentille inuention de composer, voire qui soit au goust d'une oreille bien nette, & d'un iugement clair & solide, afin que l'ouurage qui en sera produit, loüe & face loüer l'industrie de son Ouurier, selon que la vertu doit estre loüée, à l'espreuue d'un travail loüable. C'est aussi pourquoy on n'a point expressement voulu vser de longues narrations ni deductions, ains d'une briueté succinte, afin de plus aysément retenir en la memoire ce qu'il enseigne, pour le mettre en effect avec diligence, estude, labour, & iugement naturel: qui sont les principales aydes des instructions qu'on donne pour le regard des sciences.



TRAICTE DE MUSIQUE CONTENANT VNE THEO-

rique succinte pour methodiquement
pratiquer la Composition.

Reigles pour le Contrepoinct.



Contrepoinct est ainsi appellé, pource que quand il fut inuenté, on n'auoit pas l'vsage des notes ou figures, telles que nous auons à presēt, mais on marquoit seulement des poinctz sur quatre lignes paralleles, ou aux especes, & se formoit par ce moyē vn concēt par la diuerse modulation de deux voix. Donc le Contrepoinct se peut nommer vn assemblément de deux ou plusieurs voix, contenantes diuerses consonances, selon les reigles qui s'ensuyuent.

Premierement.

Nous auōs deux sortes de Cōtrepoinct, c'est assauoir simple & figuré. Le simple se compose des consonāces parfaites & imparfaites, sās y admettre les dissonances. Et sil n'est à plus de deux voix, la quarte en sera aussi excluse: lequel contrepoinct se nōme vulgairement par les praticiens, note contre note, comme l'Exemple le montre.

Exemple.


TAILLE.

DESSUS.

Traicté.

LE Contrepoinct figuré se fait de toutes les figures ou notes diuerſes en valeurs, dont procede vn artifice & liaiſon agreable à l'oreille, lequel reçoit premierement les Conſonances parfaittes & imparfaittes, & ſemblablement les diſſonances & la quarte auſſi, par le moyen dudit artifice & liaiſon.

Exemple.



T A I L L E.



D E S S V S.



Senfuyt la declaration des Conſonances.

Premierement des Conſonances & diſſonances en general.

Conſonances ſimples.

	2	3	4	5	6	7	8	
	9	10	11	Repli 12	ques. 13	14	15	
	16	17	18	19	20	21	22	

Des Consonances parfaites.

Premierement vnisson n'est point compté pour consonance, dautant qu'il n'engendre point de variété, ains est en la musique celuy duquel procedent toutes les consonances, comme en l'Arithmetique, de l'vnité procedent tous les nombres, & en la Geometrie, du poinct procede la ligne.

Consonances parfaites.

8	5	4
15	12	11
22	19	18

Consonances imparfaites.

3	6
10	13
17	20

Dissonances.

2	7
9	14
16	21


Declaration des Consonances parfaites & imparfaites.

Premierement de la Diapazon ou Octaue.

LA Diapazon est composée de cinq tons, & de deux semitons mineurs & s'en trouue de sept especes.

Traicté.


Exemple.



De la Diapenté ou Quinte.

LA Diapenté contient trois tons & vn semiton maieur & est de quatre especes.


Exemple.



De la Diatessaron ou Quarte.

LA Diatessaron est composée de deux tōs & vn semiton maieur, & est de trois especes.

Exemple.



IL se trouuent quatre interualles qui participent de la Consonance & Dissonance, cest a sçauoir la fausse quinte, la quinte superflue, le triton, & la fausse quarte.


Premierement la fausse quinte ou autrement semidiapente contient seulement deux tons & deux semitons maieurs.

Exemple.




La quinte ou Diapente superflue contient quatre tons entiers.

Exemple.



Le triton est ainsi appelé, pource qu'il contient trois tons entiers.


Exemple.



La fausse quarte ou semidiatessaron ne contient qu'un ton & deux semitons maieurs.

Traicté.

Exemple.




Les Cōsonances imparfaites sōt de deux especes, a sçauoir majeur & mineur, qui sont la fixte ou exacorde majeur & mineur.

La tierse majeur ou diton, cest a dire, deux tons.

La tierce mineur ou semiditon & leurs repliques.


La fixte ou exacorde majeur contiēt quatre tōs & vn semiton maieur.

Exemple.




La fixte ou exacorde mineur, cōtient trois tons & 2 semitōs maieurs.

Exemple.



Le Diton ou tierce maieur, contiēt deux tons, & se treuve en l'exacorde commun, vt, ré, mi, fa sol, la, deux fois.

Exemple.



Le semiditon ou tierce mineur, ne cōtient qu'vn ton & vn semi-ton maieur, & se treuve aussi deux fois en l'exacorde commun.

Exemple.



Des dissonances.

IL y a deux especes de dissonances naturelles, a sçauoir maieur & mineur, la seconde & septième.


La seconde maieur, contient vn ton entier.

La mineur vn semi-ton maieur.

Exemple.

Majeur.

Mineur




La septième maieur contient cinq tons & vn semi-ton maieur.

La mineur contient quatre tons & deux semi-tons maieurs.

Exemple.

Mineur.


Majeur.



IL y a encores beaucoup de sortes de dissonances, mais pource qu'elles ne se treuuent en l'ordre naturel, nous les passons soubz silence, & remettons cela a la diligence & estude du practicien, & en pratiquant, il les pourra cognoistre. Seulement nous dirons vn mot en passant de l'octaue fausse qui se nomme autrement semidiapazon ou diapazon superflue.

La semidiapazon ou octaue fausse, contient quatre tons & trois semitons maieurs, & se treuve de b carre en b mol.

Exemple.




Bij

Traicté.

L'octaue superflue contient six tons & vn demi-ton maieur.

Exemple.



C'Est ce que les Praticiens ont appelé assez improprement fa, contre mi, en accord parfait, car puisque l'octaue ou la quinte, ou la quarte, sont fausses ce ne sont plus accords parfaicts.

Quant a ces especes d'Octaues, il les faut du tout éuiter.


Fin de la declaration des Consonances.

A Pres auoir entendu, comment se forment les susdittes Consonances ou interualles, il faudra venir a la pratique d'icelles, a sçauoir, comment il les faut mettre en vsage au contrepoint simple & figuré, tenant l'ordre que nous auons desia tenu par cy deuant, commençant par les parfaictes.


Reigles en general des parfaictes.

P Remieremēt il ne faut iamais faire deux parfaictes semblables immediatement, s'uyuāt l'vne l'autre, a sçauoir, deux Octaues, deux Quintes, ou deux Quartes, comme icy,

Exemple.




Vnissōns Octaues Quintes Quartes



Ce qui se dict des simples, se doit aussi entendre des repliques.

M Ais si l'occasion se presente qu'il faille faire deux parfaictes l'vne apres l'autre, il les faut varier, qu'elles ne soyent d'vne meisme espeece comme de l'octaue a la Quinte & au contraire.

Exemple.



Quant a la quarte on ne la pratique point au cōtrepoint simple, quelquefois au contrepont figuré on en peut vser, par le moyen des reigles que nous donnerons cy apres.

Faut noter qu'apres vne parfaicte, on peut aussi faire quelqu'une des imparfaictes, & mesme le plus souuent sera le meilleur d'entre-laisser les imparfaictes & les parfaictes, d'autant que le contrepoinct s'en trouuera plus plaissant & plus riche.

Des imparfaictes.

La mesme reigle generale que nous auons des parfaictes, nous doit aussi seruir pour les imparfaictes, c'est a dire, que nous ne pourrons pas faire deux imparfaictes de mesme espee, l'une apres l'autre, non plus q de deux parfaictes, comme seroyent deux tierces maieurs ou mineurs, mais il les faut entremesler la maieur apres la mineur comme il s'ensuit.

Exemple de la tierce.




Quelquefois il se presente occasion de faire plusieurs tierces, mais les cordes naturelles, ne permettent point d'en faire plus de deux ou trois tout au plus, alors on se pourra ayder du \times diesis cromatic, ou du b mol en deffaut des naturelles.

Le mesme se peut dire de la sixte, que nous n'en ferons point deux semblables, ou d'une mesme espee, mais les varier de maieur en mineur comme nous auons faict des tierces.

Traicté.

Exemple.




Quant aux dissonances, ne se peuuent pratiquer au contrepoinct simple, parquoy nous n'en parlerons point, iusques a ce que nous traictions du Contrepoinct figuré.

Comment se doiuent pratiquer les parfaites & imparfaites ensemble.


Nous auons enseigné cy dessus comme en general, la façon qu'il faut obseruer en pratiquant les parfaites & imparfaites separemēt, c'est a dire de parfaites a parfaites & d'imparfaites a imparfaites. Maintenant il nous fait voir, comment nous les melerons ensemble, & principalement il faut auoir grand esgard, quand on veur aller d'une imparfaicte a vne parfaicte, de ne monter ny descendre ensemble, principalement de la sixte a la quinte, ou monter a l'octaue.

Exemple.





Mais de la tierce a la quinte, il se peut faire, toutefois en montant il en faut vser sobrement, moyennant que l'une des deux parties procede par degrez conioincts.

Exemple.




Toutes-fois on pourra quelquefois descendre de la tierce mineur à la quinte, encores que toutes les deux parties procedēt par quelque intervalle.

Exemple.



ON pourra bien quelquefois monter de la dixieme maieur à l'octaue. mais non pas descendre si ce n'est à plus de trois parties.




Quar est d'aller d'une parfaite a une imparfaite, on n'y regarde point, toutefois il se trouve quelque exception de ces reigles icy, comme nous pourons voir cy apres par les exemples.

Premierement nous commencerons par la sixte maieur, laquelle naturellement demande l'octaue, comme luy estant plus prochaine, & cela se fait par mouuemens contraires & degrez conioins, & si on ne luy peut bailler l'octaue, il luy faut bailler quelqu'une des imparfaites.


Traicté.

Exemple.



Tout ainsi que la sixte maieur requier l'Octave, a cause que c'est la plus prochaine parfaicte, aussi la sixte mineur demande la quinte, pour mesme raison, & en deffaut de la quinte on luy peut bailler quelqu'une des imparfaictes comme s'ensuit.


Exemple.



De la tierce.

L'occasion se presente souuentefois, de faire vne parfaicte apres la tierce, mais il se faut donner garde de faire vne tierce maieur deuant ou apres la quinte, pareillement deuant ou apres la sixte maieur, c'est a sçauoir par mouuemens contraires pour euitier la fausse relation du triton comme on voit ici.


Exemple.



Relations fausses.


Mais il sera bon de luy dōner l'Octave, à cause qu'elle luy est pl^{re} prochaine que la tierce mineur, au deffaut de l'Octave on luy baillera la sixte mineur ou la dixiesme mineur, & sera bon d'observer en cecy la mesme reigle que nous auons donnée cy dessus generalement pour les imparfaites cōme de la sixte maieur à la tierce mineur, ou de la sixte mineur à la tierce maieur. Pareillement nous auons de la tierce mineur à la sixte maieur, ou de la tierce maieur à la sixte mineur.

Exemple.



On peut bien quelquefois aller de la tierce maieur à la quinte, mais il faut que ce soit par mouuemens semblables, ou au contraire, cest à dire de la quinte à la tierce maieur.

Exemple.




De la Tierce mineur.

La tierce mineur requiert d'estre suyvie ou procedée de la quinte, quelquefois aussi peut estre suyvie de l'Octave, ou de quelque dixième.

Traicté.

Exemple.



Mais il ne faut point mettre deuant ny apres la fixte mineur, par mouuemens contraires, à cause de la relation de la fausse quinte, comme icy.

Exemple.



Nous dirons autant de la tierce maieur à la fixte maieur par mouuemens contraires, a cause de la relation du Triton, autrement elles se peuvent pratiquer ensemble, comme la fixte mineur à la tierce mineur.

Exemple.



Nous auons dict cy dessus vn mot en passant qu'il faut varier les imparfaites mesmes, de diuerfes especes tout ainsi que celles qui sont de mesmes especes, c'est a dire les fixtes & les tierces.


Exemple.



De la fausse quinte.

Les Anciens Praticiens n'ont pas voulu du tout bānir la fausse quinte de leur contrepoinct, tant pource que cela apporte grande comodité que d'autre part comme ils ont pratiqué, non seulement elle n'offense point l'ouye, mais aussi elle luy donne vne grande delectation quād elle est obseruée selon les reigles qui s'ensuiuent, & veu mesmement que les dissonances sōt receues, par le moyen de quelques reigles, par plus forte raison ceste ci qui est consonāce, q participe de deux parfaites, a sçauoir la quinte & la quarte, doit estre pratiquée. Mais il en faut vser sobremēt par le moyen de cette reigle, cest a sçauoir, qu'il faut qu'il y ayt toujours trois voix l'vne des deux parties qui monte ou descende par degrez conioincts, finissant par vn semiton maieur, l'autre partie viēdra aussi à se conioindre, par le moyen dudit semiton, se rencōtreron ensemble sur la tierce maieur, qui est vne des plus agreables consonāces que nous ayōs. Ioinct que les deux semitons par mouuemens contraires, addoucissent toute la rudesse d'icelle. Ces raisons ont induit les plus excellens Praticiens, tant antiens que modernes, à la recevoir & pratiquer, comme on pourra voir par leurs œuures, entre autres Iosquin, Adrian, & Mouton.

Exemple.




Quand il sera question de se conioindre à l'Octaue ou à l'Vnisson par mouuemens contraire & degrez cōioincts il faudra necessairement que l'vne des deux parties face le degré de semiton, pour ensuyure la reigle que nous auons dōnée cy dessus, qu'il faut aller de l'imparfaicte à la parfaicte par la plus prochaine.

La tierce mineur a l'Vnisson, la sixte maieur a l'Octaue, & de la dixième mineur a l'Octaue.

Traicté.

Exemple.



Après auoir declaré suffisamment, comme il faut vser des consonances, tant parfaites qu'imparfaites, comme on à peu voir cy dessus il fera bon de dire vn mot en passant, touchant le commencement du Contrepoint, c'est à sçauoir, la premiere notte doit tousiours estre d'une des parfaites, c'est tout vn laquelle, mesme par vnisson, selon que la commodité le requerra, car les Anciens Praticiens ont voulu faire cet honneur aux parfaites: Et a bon droit de commencer leur Contrepoint par icelles, & d'autant que l'Octaue est la plus parfaite, il leur à semblé bon de faire leur Contrepoint par icelle, joint que la fin d'une chose est aussi la perfection d'icelle. Et faut noter qu'il ne faut point finir vn Contrepoint que par l'Octaue, si ce n'estoit qu'il yint a propos quelquefois de finir par l'Vnisson ou par la quinsieme.

Pour le contrepoint figuré.


Nous auons dict cy dessus tout ce qu'il nous semble necessaire touchant les reigles du contrepoint simple ou plain dict vulgairement notte contre notte. Maintenant il nous faut deduire ce qui reste pour le contrepoint figuré ou diminué, & faut noter que toutes les reigles qui ont esté mentionnées, cy dessus, se doyuent aussi obseruer en ce contrepoint figuré. Toutefois non pas tant exactement à cause des licences que l'on peut prendre, ensuyuant les exceptions des reigles generales, que nous en auons données cy dessus comme nous verrons par les exemples suyuant.

Que c'est que contrepoint figuré.

Contrepoint figuré se peut faire en deux sortes. Premièrement que le subiect tienne vne forme de plainchant, duquel les figures ou notes seront d'une mesme valeur ou quârité, ou quelquefois de diuerses, moyennant que la moindre soit d'une semibreue, l'autre partie que l'on compose sur le dict subiect, se peut faire de diuerses figures diminuée à la fantaisie du compositeur.

L'autre sorte de contrepoint figuré, se fait quand toutes les deux parties sont diminuées, sans qu'aucune des deux parties, tiennne quelque forme de plainchant, ou bien sans qu'ils tiennent le plainchant, l'un apres l'autre, & en iceluy faut observer les mesmes reigles.

Exemple.




Ce qui à esté dict cy dessus touchant les consonances parfaites en general, se doit aussi observer en contrepoint icy, Toutesfois il y à des exceptions touchant les imparfaites. Premièrement il nous faut parler de la syncope, d'autant qu'elle est grandement necessaire au cōtrepoint figuré, tant pour embellir & orner ledict contrepoint que pour la necessité. Car sans icelles on ne scauroit pratiquer les dissonances, sinon d'une façon comme nous verrons cy apres.

De la Syncope.

La Syncope est vn acte, qui se fait par le moyen d'une figure grande ou plusieurs entre deux autre figures vallant la moytié moins, & doit la premiere figure qui sera la moindre, commencer au batte de la mesure. Tellement que toutes celles qui la suivront, commenceront contre mesure.


Exemple.



Traicté.


Par le moien de ceste syncope, nous pourrons nous seruir des Dissonances quelles qu'elles soyent, & aussi faire exceptions des reigles cy dessus données, touchant quelques consonances imparfaites, par mesme moyen nous pourrons pratiquer la quarte.

Exemple des Dissonances par le moyen de la syncope.



Faut noter que ceci ne se peut faire, sinon que toutes les deux parties descendent par degrez conioints, afin qu'après la dissonance, l'on puisse faire la consonance imparfaite, qui est le milieu entre la consonance parfaite & la dissonance. Car deux extremitez engendre plustot le discord que l'accord, comme l'on pourra voir par cet exemple, la ou on voit la quinte suyure la septieme, comme plusieurs en ont vû, ce que ie ne serois d'aduis, pource que la nature ne peut endurer deux extremitez s'entre-suyure sans aucun milieu.


Exemple.



On peut quelquefois pratiquer la dissonance par mouuemens contraires, comme partant de la tierce mineur, pour aller trouuer l'unisson, ou de la dixiesme mineur, pour aller trouuer l'Octaue.

Il ce peut aussi faire des maieurs, mais la ou le semiton se presentera, il sera toujours meilleur qu'autrement, selon ce que nous auons dict cy dessus.

Exemple.



Il y a vn autre moyen de pratiquer les dissonances, assauoir par les minimas noires lesquelles à cause de leur mouuement leger, ne peuuent estre si tost comprises par le sens de l'ouye. Mais il faut que le tout procede par degrez conioincts, & d'autant qu'il y en a quatre en la mesure, il faut que la minime noire qui se rencontre sur la batue d'icelle, soit consonante, semblablement celle qui se rencontre sur la leuée. Quand aux deux autres, seront ce qu'elles pourront.

Exemple.




Les Anciens ons vsé d'une autre façon de pratiquer les Dissonances, cest assauoir par minimas blâches, & falloir que la premiere des quatre, & la troisieme fussent consonances, tout ainsi que nous auons dict des minimas noires. Toutefois il y aura vne autre chose à obseruer, cest qu'il faut que la premiere figure, qui commence de la partie diminuée, soit vne semibreue avec vn poinct.

B. S. ^{tae} G.

Traicté.

Exemple.



On peut aussi faire passer trois noires dissonantes, par le moyen de la Syncope ou du point d'augmentation. Mais il faut que la partie sur laquelle la dissonance se fait, soit accordante avec ledit point ou Syncope. Et y demeure jusques à tant que la dissonance soit passée avec la minime noire en suyuant. Elle se peut aussi faire passer aucunes fois, par le moyen d'une minime blanche, au lieu du point ou de la Syncope.

Exemple.



quelquefois.

Il a esté dict cy dessus, que la sixte majeur ne peut estre suyvie de la quinte, toutesfois par le moyen de syncope il se peut faire. Car si la dissonance est receue, moyennant icelle Syncope, à plus forte raison la quinte le doit estre. Mais ce ne sera pas ainsi de la sixte mineur à l'Octave, car la sixte majeur est plus prochaine de la quinte, que la mineur de l'Octave. Toutesfois par le moyen d'une dissonance que l'on mettra entre la sixte mineur & l'Octave, Il sera permis; le mesme se peut faire, de la dixième majeur à l'Octave.

Exemple.




sixte mineur. sixte mineur. sixte mineur.

De la cadence.

La Cadence est vn acte qui se fait & consiste en trois voix, dont la premiere doit estre accordante avec la derniere, soit par vnisson, quarte, ou tierce, toutesfois les plus ordinaire se font par la tierce, & la quarte.

Exemple.



Ceci soit dict pour la Taille, Quant au Dessus il faut que la premiere soit vnisson, avec la derniere, & se faut seruir d'icelle cadence à la conclusion d'une sentence, s'en seruant comme d'un point ou periode. ♪ ♪

La Cadence se peut pratiquer en deux sortes, assavoir simple & syncopée.

En la simple il n'y à point de dissonance.

En la syncopée, si elle se fait à l'Vnisson, la syncope & derniere partie de la note syncopée, doit estre vne seconde, suivie d'une tierce majeure ou mineur, mais la mineur sera plus propre, à cause que les parties se conjoignent, par le moyen du semiton.

Traicté.

Si elle se faiet à l'Octave, alors la dernière partie de la Syncope, doit estre Vne septième, suivie d'une sixte, Et faut noter que la Taille faiet sa cadence, descendant de la seconde à la dernière.

Le Dessus au contraire en montant de la seconde à la dernière.

Exemple.

The example consists of two staves of music. The top staff has four measures with labels 'bon.', 'bon.', 'meilleur.', and 'bon.' below it. The bottom staff has five measures with labels 'meilleur.', 'bon.', 'meilleur', 'bon.', and 'meilleur.' below it. The notes are diamond-shaped and arranged in a way that demonstrates the progression of cadences.


Si la partie d'enas faiet cadence de Dessus, & que la Taille soit à l'Octave en haut, alors la dissonance fera neuvième, & la consonance sera dixième si on se veut conjoindre à l'Octave.

Exemple.

The example consists of two staves of music. The top staff has four measures with 'X' marks above the notes in the second and fourth measures. The bottom staff has four measures with 'X' marks above the notes in the second and fourth measures. The notes are diamond-shaped and arranged in a way that demonstrates the progression of dissonance and consonance.

Nous auons dict cy deuant, que la dissonance qui se fait par le moyen de la syncope, doit estre suyuie d'une imparfaicte, a sçauoir de la tierce ou la sixte ou la dixième, & non pas de parfaictes, pour éuiter les extremitez, & ce par degrez conioincts en descendant, non pas comme d'aucuns ont voulu, qu'icelle dissonance syncopée fut ensuyuie par vne interualle soit de quarte ou de quinte comme icy.

Exemple.




Ce que je ne suis d'aduis d'estre imité pource que les plus excellens praticiens n'en ont iamais vsé, ioinct que le degré conioinct, est plus propre à cela, comme l'experience le monstre.

De la Cadence rompuë.


Les praticiens ont appellé cadence rompue, quant l'une des deux parties, ou bien les deux ensemble, fuyent leurs conclusions naturelles moyennant comme nous auons monstre en autre endroit, que la Syncope ne soit jamais suyuie d'une parfaicte.

Exemple.



Il ne faudra iamais faire vne quinte, apres la syncope, dautant que ce feroit vne parfaite apres la dissonance: Toutesfois quand la dissonance viendroit à estre vne neuuesime, on pourroit faire non seulement la quinte, mais aussi l'Octave: mais toutesfois je ne ferois point d'aduis d'en vser sinon à plus de deux parties.

Exemple.



Des Modes ou Tons.

Les Anciens iadis ont appellé Modes, ce que noz praticiens modernes appellent auourd'huy Tons, assez mal a propos d'autant que ce qui s'appelle proprement Ton, est l'interualle, qui en la pratique se trouue entre l'vt & le ré, entre le ré & le mi, & le mi & le fa. Nous nous tiendrons d'oc au nom que les Anciens luy ont donné, combien que c'est peu de chose du nom, moyennant que l'on aye vraye cognoissance d'iceux Modes. Et premierement nous disons que Mode n'est autre chose, qu'une certaine maniere de modulation ou chant, cōtenue entre les extremités d'un Diapazon ou octave, mipartie de la quarte & de la quinte, & icelle quinte mipartie de la tierce.

Lesquelles cordes ou voix seront les principales desdicts Modes, & lesquelles il faudra plus souuent toucher & faire entendre.

Les praticiens Modernes n'ont constitué que huit Modes, mais les Anciens & plus approuuez Autheurs en mettent iusques a douze. Et pour prouuer cecy, il faut commencer du plus haut, assauoir la Consonance Diapazon, laquelle nous auons dict cy dessus, qu'elle est la plus par-

faicte de toutes les Consonances, à cause quelle comprend en soy toutes les varietez de voix ou cordes qui sont en nature.

Nous auons prouué aussi cy dessus, que ladicte consonance Diapazon se trouue de sept especes, à cause de la diuerse situation du semiton.

C'est donques à bon droit, que les Anciens ont voulu que les Modes prinssent leur origines d'icelle comme nous verrons icy.

Premierement ils ont assigné à chaque espece de Diapazon deux Modes, tellement qu'ayant sept especes de Diapazon il faudroit necessairement qu'il y eust .14. Modes, mais d'autant que l'une des .7. especes, ne se peut mipartir par la quarte & la quinte, comme nous auons dict cy dessus elle ne pourra aussi former aucune espece de Mode comme monstres cy après. Il ne nous reste donc plus que .6. especes de Diapazon, Aufquelles nous assignerons a chacune deux Modes, qui feront en tout le nombre de .12. Modes, diuisez en deux ordres, A sçauoir les .6. qui seront du nombre imper comme, 1. 3. 5. 7. 9. 11. seront appelez Autentiques ou principaux, & les .6. autres qui sont de nombres per assauoir .2. 4. 6. 8. 10. 12. s'appelleront Plagals ou subiects collateraux.

S'enfuyuent les noms des Modes.

Autentiques,		Plagals.	
1.	Dorien.	2.	Soubs Dorien.
3.	Phrygien	4.	Soubz Phrygien.
5.	Lydien.	6.	Soubs Lydien.
7.	Mixolydien.	8.	Soubz Mixolydien.
9.	Æolien, ou Iastien	10.	Soubz Æolien.
11.	Ionien.	12.	Soubz Ionien.

Il faut maintenant prouuer selon ce que nous auons dict, qu'iceux .12. Modes se forment soubz les .6. especes de Diapazon, en reictant la .7. espece pour la cause cy dessus dicte.

Premierement le Mode Dorien avec son collateral, est formé sur la premiere espece de Diapazon.

Le Phrigien & son compagnon sur la seconde & ainsi des autres enfuy-
uans.

Traicté.

Autentiques, Plagals.



Nous voyons par cet exemple, que chaque Mode contient vne octaue, toutesfois mi-partie diuerfement, cest a ſçauoir. Les Autentiques procedent premieremēt par la quinte en montant, & puis apres par la quarte. Ce qui ſ'apelle mi-partement harmonique. Le Plagal faiēt tout au contraire, Car en lieu de monter la quarte, au deſſus de la quinte cōme l'Autentique il la descend en bas, & ce mipartemēt eſt appellé Arithmetique. Or pour auoir plus facile intelligēce de ce que deſſus, il faut ſçauoir que la plus baſſe corde des Autentiques, ou bien la plus haute qui reſpond à l'Octaue ſera la notte finale dudiēt Mode, tant Autentique que Plagal.


Et de la corde qui fait la quinte est appelée dominante en l'Authentique, & faudra que le disciple face souuent repeter en sa modulation, lesdictes quintes & quartes du Mode qu'il voudra traicter. Combien qu'il peut aussi vser de quelque autre quinte & quarte empruntée de quelque autre Mode, mais non si souuent que des naturelles.

Il fera bon de donner quelque Exemple des nottes finales de chaque Mode, & comme nous auons dict cy dessus l'Authentique & le Plagal d'un mesme Mode, se doyuent finir en mesme corde, tellement que l'Authentique viendra a finir en l'une des extremittez de son Diapazon, & le Plagal finira en sa corde mediane qui vient à estre la mesme corde finale de l'Authentique.




Nous auons promis de prouuer, qu'il y a vn'espece de Diapazon, de laquelle ne se peut former aucun Mode, & pour y satisfaire, il faut premierement monstrier comment les autres Modes se forment, c'est a sçauoir d'une quinte & d'une quarte iustes, cōme le Dorien lequel se commence en D sol ré, & a sa quinte iuste en A la mi ré, & sa quarte iuste en D la sol ré.

Exemple.



Dorien.

Le Phrigien commence en, e la mi graue, & a sa quinte iuste, en b fa la mi, & a sa quarte iuste en, e la mi aigu, c'est a dire le haut.




Phrigien.

Traicté.

Le Lidien commence en f fa vt graue, & a fa quinte iuste en c sol fa vt, & sa quarte iuste en f fa vt aigu.


Exemple.



Lidien.

Le Mixolidien se commence en g sol re vt graue, & a sa quinte iuste en de la sol ré, & sa quarte iuste en g sol ré vt aigu.


Exemple.



Mixolidien.

L'Oeolien se commence en a la mi ré graue, & à sa quinte iuste en e la mi, & sa quarte iuste en a la mi ré aigu.


Exemple.



Il nous reste encore à parler de l'Ionien, mais pour ne point rompre l'ordre, que nous auons, cōmencé a tenir. C'est assauoir de corde en corde, il nous faut premierement monstrier, que sur la corde qui se presente, assauoir b fa $\frac{1}{2}$ mi, on ne peut fonder aucun Mode certain, pource qu'en procedant de la mesme façon que nous auons faict iusques icy, nous ne trouuerrons ni quinte ni quarte qui soit iuste, car premierement cōmençant en iceluy b fa $\frac{1}{2}$ mi graue par $\frac{1}{2}$ carre, on rencontre la fausse quinte en f fa vt, & au lieu de la quarte on trouue le triton en b fa $\frac{1}{2}$ mi aigu, qui sont interualles du tout discordans, dont à bon droict elle a esté reiectée.


Cestuy-cy est à reiecter.

Exemple.




L'Ionien se commence en c sol fa vt graue, & a fa quinte iuste en g sol ré vt, & fa quarte iuste en c sol fa vt aigu.

Exemple.




Il reste maintenant à cognoistre les cordes, auxquelles on peut faire les cadences naturelles de chaque Mode, & faut premierement prendre la quinte, & la mipartir par la tierce, & sur chacune desdites dordes, se fôt les cadences naturelles, tellement que chaque Mode aura trois cadences particulieres.

Exemple.




Les Modes dessusdicts se peuvent trāsporter quelquefois par le moyen du b mol, vne quarte plus haut, ou vne quinte plus bas comme par exemple, le Dorien qui est en de la sol ré, se peut transporter vne quarte plus haut, ou vne quinte plus bas, qui sera en g sol re vt par b mol.

Exemple.



Traicté.

Au Contrepoinct à trois parties, il faut vser des quartes le plus sobrement qu'on pourra, principalement quant elle n'est soustenue que de la quinte, dautant que la quarte & la quinte fôt le corps de l'Octave, ioinct que l'harmonie propre, cest assavoir quant les trois voix fôt diuerfes, n'y est point obseruée, ioinct aussi que les Consonances parfaites ne sont point si plaisantes à l'ouye que les imparfaites, & en vn tel corps l'harmonie, ne se rencontrent que les trois parfaites, qui font l'Octave, la quinte & la quarte, comme appert par cet exemple.



bon. meilleur. encore meilleur. quelquefois bon. meilleur.

Mais il fera bon d'vser souuent de la quarte soustenue par la tierce en bas, qui viendra à estre vne fixte à la partie haute, toutesfois il faut que le tout ce face, suyuant les reigles de la fixte cy dessus donnée.

Exemple.



Par ce moyen on aura tousiours les trois voix diuerfes, qui est la chose que lon doit chercher le plus au Contrepoinct à trois parties. Et plus il y a de voix, moins cette harmonie propre doit estre delaisfée, dautant que se pouuant faire à trois, par plus forte raison à quatre ou à cinq ne se doit obmettre.

La quarte se peut auffi soustenir d'une autre façon assauoir la tierce au dessus, mais cela se doit faire avec iugement, & ne s'en peut bailler reigle certaine, sinon à la discretion du Compositeur.

Exemple.



bon. bon. meilleur. meilleur

Fin de ce present Traicté. E ij



Par ce moyen on aura tousjours les trois voix distinctes, qui est la chose
que l'on doit chercher le plus au Contrepoint à trois parties. Et plus il y
a de voix, moins cette harmonie propre doit estre détreinée, deuant que
le pourroit estre trop, par plus forte raison à quatre ou à cinq parties.
doit estre.

L'admirable se peut aussi souffrir d'une autre façon allanoir la tierce au
dessus, mais cela se doit faire avec respect, & ne se peut balancer
de certaine, sinon à la discretion du Compositeur.


Exemple.





bon bon. mellic. mellic.

Fin de ce present Traicté.









1 Paquet de Musique 4^{te}
Coff 47- Papier 12th